

Aalisarnermut, Piniarnermut Nunalerinermullu Naalakkersuisoqarfik

Piniarnermut Aallaaniarnermullu Immikkoortortaq

Assilineru uunga: Ineqarnermu, Pinngortitamut Avatangiisinullu Naalakkersuisoqarfik

GN j. nr. 40.00.02.45.2013

Ulloq 01. oktober 2013

### **Qaanaap eqqaani aqutsiviusumi 2013-imi aaffattassat amerlineqarsinnaanerit pillugu tusarniaanermi akissut**

Aalisarnermut, Piniarnermut Nunalerinermullu Naalakkersuisoqarfiup Qaanaap eqqaani aqutsiviusumi aaffattassat 2013-ip sinnerani qulinik amerlineqarsinnaanerit pillugu tusarniaanerp akissuteqarfigineqarnissaa qinnutigisimavaa.

Qaanaami piniartoq Baffin Bugtip Avannarpassissuani aavermik pisaqarsimavoq, aarrillu taakku Nunavut-mik avitseqatigiissutigineqarput. Aarrit tamakku kingullermik december 2009-mi NAMMCO-p ataani suleqatigiissitamit naliliiffineqarput, NAMMCO-lu 2010-mi Qaanaap eqqaani Nunavut-milu (annaasat ilannullugit) 68-it sinnernagit aaffattoqartarnissaanik siunnersuuteqarnikuvoq. Maannakkut Qaanaami pisassiissutit tassaapput aarrit 64-it saniatigullu Nunavut-mi pisarineqarsinnaasut sisamat, tassalu aarrit 68-erpiat. Taama amerlatigisunik pisaqartoqartarneratigut aarrit 70%-inik amerliartornissaat ilimagineqarsinnaavoq.

Siusinnerusukkut piniartoqartarsimanera pissutaalluni aarrit qangarniit ikinnerujussuanngorsimapput, taamaakkamillu amerliartornissaminut periarfissaqarluarput. NAMMCO-p siunnersuutaa malinneqarpat aarrit siunissami amerlanerulersinnaassapput, taamalu aamma siunissami amerlanerusunik pisaqartoqartarsinnaalissalluni.

Pisassiissutit aavermik qulinik amerlineqarnissaat NAMMCO-p siunnersuutaanut akerliuvoq taamaattumillu siunnersuut akuersaarnaartinneqanngilaq.

NAMMCO-p aarrit pillugit ilisimatuutut suleqatigiissitaa november 2013-imi ataatsimeeqqittussaavoq. Naatsorsuutigaaqarput NAMMCO-p ilisimatuutut ataatsimiititaliaa aarrit amerlassusiat pillugu nutaamik naliliiumaartoq, aammalu 2013 naatinnagu siunnersuutissamut siunnersuummik naammassisaqarumaartoq. Siunnersuutivissamik NAMMCO-p siunnersuisoqatigiivi 2014-imi upernaakkut ataatsimeereerpat tunniussisoqarumaarpoq.

CITES-ip ilisimatuutut oqartussaasuisuulli GN maannakkut pisassiissutinik amerlassusiliineq tunngavigalugu aarrit amerliartoqqinnissaminut periarfissineqarnissaannut isumaqataalluni nalunaarnikuvoq. NAMMCO-p qanoq siunnersuinissaa apeqqutaalluni Qaanaami pisassiissutit amerlineqarnissaat CITES-ip nalunaarutaanut akerliussavaavoq, tassani aavermik tunisassianik Kalaallit Nunaannii avammut nioqquteqartoqartarunnaavinnissaa inassutigineqarsimammat.

Inussiarnersumik inuulluarit

Fernando Ugarte

Uumasunut miluumasunut timmissanullu immikkoortoqarfik